

RESUMAZIUN

digl protocol dalla radunanza communal Surses,
da glindesde, igls 23 da matg 2016, allas 20.15, an sala Grava a Savognin

Preschaints: 92 votantas e votants
Presidi: Leo Thomann, mastral
Actuar: Beat Jenal

La radunanza communal da Surses digls 23 da matg 2016 ò

- approvo cun gronda pluralitad igl protocol dalla radunanza communal Surses digls 11 d'avregl 2016.
- approvo cun 90 vuschs e sainza cuntervusch la lescha da natiralisaziun digl cumegn da Surses. La lescha aintra an vigour cun l'approvaziun.
- approvo unanimamaintg la lescha d'ustareia digl cumegn da Surses. La lescha aintra an vigour cun l'approvaziun.
- approvo cun 76 vuschs cunter 8 vuschs la lescha davart igls deis da pôss publics digl cumegn da Surses. La lescha aintra an vigour cun l'approvaziun.
- decida cun 61 vuschs da betg antrar segl affar pertutgont la dumonda digls conjugals Meierhans da pudeir vender lour tga d'ena famiglia ainten la zona per indigens «Davos-Clavo» a Salouf er a persungas tgi na stattan betg permanentamaintg a Salouf. La suprastanza ò ossa l'incumbensa da surluvrar gl'affar.
- piglia cunaschientscha da diversas infurmaziuns.

Igl protocol dalla radunanza communal digls 23 da matg vign exponia a parteir digls 3 da zarcladour 2016 ainten la canzleia communal digl cumegn da Surses a Tinizong. Tottas persungas cun dretg da votar an tgossas communalas pon piglier invista digl protocol.

Tinizong, igls 2 da zarcladour 2016

Suprastanza communal Surses

Igl mastral: Igl actuar:
sig. Leo Thomann sig. Beat Jenal